

# Perc'hinded ar Vrezhonegerion

I<sup>n</sup> a viz Mae 2022

## « An Aotrou eo ! »

### E-tal ar feunteun :

**O Rouanez karet an Arvor,**

**O Mamm leun a druez**

**Àr an douar, àr ar mor,**

**Gouarnit ho pugale.**

2 Ho kalon zo digor  
'vit holl Ar Vretoned ;  
an dud ag an Arvor  
Ho kar ivez berped.

1 Intron santez Anna,

Ni ho ped a galon :

Get joe ni 'n em laka

Dindan ho kouarnasion.

3 Patronez Breizh-izel,

Doc'hoc'h en deus rekour

Ho Arvoriz fidel,

Roit dezhe ho sekour.

### Salud d'ar bobl :

*Ar beleg : Gras hor Salver Jezuz-Krist, karantez Doue an Tad  
hag unaniezh ar Spered Santel, ra vint geneoc'h-holl :*

Respont : **Ha get ho spered !**

### Asperges: Alleluia !

1 Ha gwelet am eus an dour bev

O strinkañ a kalon ar C'hrist !

An holl re 'vo gwalc'het en dour-se

A vo salvet hag a gano :

2 Ha gwelet am eus ar vammenn

O tont da vout ur stêr divent !

Ha bugale Doue, holl tolpet

'Gane laouen da vout salvet :

3 Gwelet am eus ivez an Templ

Digor da virviken d'an holl

Ar C'hrist a zeua en-dro get trec'h,

A ziskouez gouli e gostez.

4 Gwelet am eus ivez ar Gomz

O reiñ deomp peoc'h hon Aotrou Doue.

An holl re a gred en e anv

A vo salvet, hag e kanint :

### Lid-kerzh :

**Alleluia ! Alleluia ! Alleluia !**

1 D'ar sul vintin, da c'houlou deiz

An disipled leun a dristez

A dostaas da welet ar bez.

2 Un Ael e gwenn, er bez chouket,

Dezhe o zeir en deus lâret :

Er Galile er c'havehet !

4 Eürus ar re en deus kredet

Daousto ma n'o deus ket gwelet !

Eürus 'vint en neñv da vepred !

5 En deiz gouel-mañ get levenez

A vouezh uhel kanomp da Zoue

Gloar, meuleudi ha trugarez.

3 Sant Yehann a redas a-herr,

Ha fonnaploc'h 'vit sant Pier

Arrivas e bez hor Salver.

6 Lâromp get izelded-kalon,

Get karantez, get devosion :

Bennozh da Zoue ha melasion !

### Gloria : (Guilloù) Gloria ! Gloria ! In excelsis Deo ! (2 wezh)

Peoc'h àr an douar d'an dud karet getañ ; Ho meuliñ a reomp. Ho trugarekaat a reomp. Hoc'h adoriñ a reomp. Enor deoc'h a ganomp ha mil bennozh aveit ho kloar hep par. Aotrou Doue, Roue an neañv, Doue an Tad hollgellougek.

*Aotrou, Mab unganet, Salver Jezuz. Aotrou ha Doue, Mab an Tad. C'hwi hag a lam pec'hed ar bed, ho pet truez doc'homp. C'hwi hag a lam pec'hed ar bed, degemerit hor pedenn. C'hwi hag a zo azezet en tu dehoù d'an Tad, ho pet truez doc'homp.*

Rak C'hwi hepken a zo santel. C'hwi hepken a zo Mestr. C'hwi hepken a zo uhelmeurbet, Salver Jezuz, Get ar Spered Santel, e gloar Doue an Tad. Amen !

### Lennadenn getañ : Lennadenn tennet eus Oberoù an Apostoled.

En deizioù-se e voe goulennataet an apostoled get ar Beleg-bras : «Gourc'hemennet groñs hor boa deoc'h chom hep kelenn e anv an den-se, ha setu ma ho peus leuniet Jeruzalem get ho kelennadurezh. Hag e faote deoc'h lakaat gwad an hini-se da gouezhel àrnomp ?» Pier hag an Apostoled a respontas en ul lâret : «Doc'h Doue eo e tleer sentiñ kentoc'h evit doc'h an dud. Doue hon tadoù en deus adsavet Jezuz ho peus-c'hwi lakaet d'ar marv dre er stagiñ a-spign doc'h ar c'hoad. Hennezh eo en deus Doue savet uhel, dre nerzh e zorn dehou, doc'h el lakaat da Bennrenour ha da Salver, evit reiñ da Israel keuz d'e bec'hedoù ha pardon anezhe. Ha ni a zo testoù d'an holl draoù-se, ni hag ar Spered Santel roet get Doue d'ar re a sent doc'htañ.» *Hag o lezel a razont da vonet goude bout o foettet ha bout gourc'hemennet dezhe chom hep komz e anv Jezuz. Int-int neuze a yeas kuit a-zirak ar Sanedrin, leun a levenez bout bet kavet dellezek da c'houzañv dismegañs evit an anv a Jezuz. Setu komz an Aotrou Doue :* **Bennozh da Zoue !**

### Psalm 29 : Ho meuliñ a ran, Aotrou, rak ma dieubet ho peus.

*Ho kanmeuliñ a ran, Aotrou, dre ma ho peus ma adsavet, ha n'ho peus ket laouenaet ma eneberion diàr ma c'houst.*

*Aotrou, salvet ho peus ma eneañv ag ar marv,*

*ha ma zennet a vesk ar re a ziskenn er foz.*

*Kanit gloar d'an Aotrou, c'hwi holl, e dud fidel,*

*rentit bennozh d'e anv santel,*

*rak ne bad e gounnar nemet ur momand,*

*e drugarez avat a chom a-hed ur vuhez.*

*Selaouet en deus an Aotrou ha truez en deus bet doc'hin,*

*an Aotrou a zo bet ma skoazellour;*

*kemmet en deus ma c'hlemmigan e dañs,*

*Aotrou, man Doue, da virviken e faot din ho meuliñ.*

### Cil lennadenn : Lennadenn tennet eus levr Diskuliadur Yann

*Me, Yann, a welas hag a glevas bouezh Aeled niverus en-dro d'an tron ha d'al Loened ha d'ar Gozhidi, miliadoù ha miliadoù anezhe, ha youc'hal a raent en ul lâret : «Dellezek eo an Oan bet lazhet, da resev galloud, pinvidigezhn ha furnezh, nerzh hag enor, gloar ha melasion !» Ha pep krouadur en neañv, àr an douar ha dindan an douar 'vel àr ar mor ha kement tra 'zo enne, a glevis é lâret : «D'an hini azezet àr an tron ha d'an Oan, melasion, enor, gloar ha galloud da virviken.» Hag ar pevar loen a responte : «Amen !».* Hag ar gozhidi a gouezhas àr bennoù o daoulin evit en adoriñ.

*Setu komz an Aotrou Doue :* **Bennozh da Zoue !**

**Aviel** : Alleluia, Sklaeder ar Broadoù ! Alleluia, Jezuz-Krist a youc'homp !

*Ar beleg* : An Aotrou Doue geneoc'h : **R/**: **Ha get ho spered.**

*Ar beleg* : Lennadenn ag an Aviel santel hervez St Yehann.

**R/** : **Gloar deoc'h-Chwi, ô Aotrou Krist !**

*Goude-se en em ziskouezas arre Jezuz d'e zisiplad ar ribl Mor Tiberiad. Setu amañ penaos en em ziskouezas. Simon-Pier ha Tomaz, an hini lesanvet Didimoz, Natanael hag a oa a Gana e Galilea, maboù Zebedea ha daou zisipl arall en em gave asampl. Simon-Pier a lâras dezhe : «E yan da besketa.» Ar re arall a lâras dezhañ : «Ni a ya da vonet geneoc'h ivez.» Monet a razont hag e yazont en ur vag; met an noz-se, ne dapazont netra. Tarzhet e oa dija an deiz hag e oa Jezuz ar vord ar mor; met an disiplad ne ouient ket e oa eñ e oa. Jezus a lâras dezhe : «Paotred, n'oc'h eus ket netra da zebriñ ? - Nann», eme-int. Lâret a reas dezhe : «Taalit ho roued en tu dehou d'ho pag ha c'hwi a gavo.» En teurel a razont ha ne oant ket ken evit er sachiñ gete abalamour da niver bras ar pesked. Neuze an disiplad-se karet get Jezuz a lâras da Bier : «An Aotrou eo !» É klevet e oa an Aotrou, Simon-Pier a wiskas un tamm dilhad en-dro d'e greiz - rak en noazh e oa - hag en em daolas er mor. An disiplad arall a zas get ar vag, rak ne oant ket oc'hpenn daou-c'hant ilinad a zoc'h an douar, hag ar o-lerc'h e stlejant ar roued leun a besked. Pa ziskennazont en douar e welazont eno un tan glaou bev get ur pesk arnañ ha bara. Jezuz a lâras dezhe : «Degasit ag ar pesked hoc'h eus tapet a-benn aze.» Simon-Pier a gras ar vag hag a sachas ar roued d'an douar; leun e oa a besked bras; tri ha hanter kant a oa anezhe, hag en despet dezhe bout ken niverus ne regas ket ar roued. Jezuz a lâras dezhe : «Dait d'ho lein !» Ha hini ebet ag an disiplad ne grede goulenñ getañ : «Piv ous-te ?» rak gouiet a raent e oa an Aotrou. Neuze e tostas Jezuz hag é kemer ar bara e roas anezhañ dezhe; ha kement-all a reas get ar pesk. Honnezh e oa an deirvet kwezh da Jezuz en em ziskouez d'e zisiplad abaoe ma oa dihunet a-vesk ar re varv.*

En dibenn : ar beleg : Setu Komz an Aotrou :

**R/** : **Meuleudi deoc'h, o Aotrou Krist !**

**Kredo** : Credo in unum Deum. Patrem omnipotentem, factorem caeli et terrae, visibilium omnium et invisibilium. **Et in unum Dominum Jesum Christum, Filium Dei unigenitum.** Et ex Patre natum ante omnia saecula. **Deum de Deo, Lumen de Lumine, Deum verum de Deo vero.** Genitum non factum consubstantialem Patri, per quem omnia facta sunt. **Qui propter nos homines et propter nostram salutem descendit de caelis.** Et incarnatus est de Spiritu Sancto ex Maria Virgine, et HOMO FACTUS EST. **Crucifixus etiam pro nobis sub Pontio Pilato, passus et sepultus est.** Et resurrexit tertia die secundum scripturas. **Et ascendit in caelum, sedet ad dexteram Patris.** Et iterum venturus est cum gloria judicare vivos et mortuos, cujus regni non erit finis. **Et in Spiritum Sanctum, Dominum et vivificantem, qui ex patre Filioque procedit.** Qui cum Patre et Filio simul adoratur et conglorificatur, qui locutus est per prophetas. **Et unam sanctam catholicam, et apostolicam Ecclesiam.** Confiteor unum baptisma, in remissionem peccatorum. **Et exspecto resurrectionem mortuorum.** Et vitam venturi saeculi. **Amen !**

**Pedenn hollvedel** :

**Aotrou, hon Doue, ô Tad Santel, selaouit hor pedenn !**

**Lid ar profoù** : *ar beleg* : *Pedit, mam breudeur, ma plijo get Doue an Tad holl-gelloudek degemer ma sakrifis a zo ivez ho hani-c'hwi :*

**R/** : **Plijet get Doue en degemer ag ho taouarn, aveit e c'hloar hag e veuleudi, aveit hor mad-ni hag hini an Iliz.**

**Prefas** :

*Ar beleg* : An Aotrou Doue geneoc'h :

**R/** : **Ha get ho spered !**

*Ar beleg* : Hor c'halon d'an uhel :

**R/** : **Emañ troet trema Doue !**

*Ar beleg* : Trugarekaomp hon Aotrou Doue :

**R/** : **Just ha santel eo !**

**Santel** :

**Santel ! Santel ! Santel ! An Aotrou Doue, Mestr an ne hag an douar !**

Lan eo get ho kloar an neañv hag an douar : **Hosanna e lein an ne !**

Ra vo benniget an hini a zeua e anv an Aotrou Doue : **Hosanna e lein an ne !**

**Gorreoù** : **Ra vo meulet !**

**Hon Tad** : hag a zo en neañv, hoc'h anv ra vo santelaet, Ho rouantelezh degaset deomp, Ho vennantez ra vo graet ar an douar 'vel an neañv. Roit deomp hiriv hor bara pemdeziek, Pardonit deomp hor pec'hedoù, 'vel ma pardonomp d'ar re o deus pec'hed doc'homp, Ha n'hon laosket ket da gouezh en tantasion Met hon diwallit doc'h an droug.

*Ar beleg* : *Plijet geneoc'h, Aotrou Doue, ... ha distro hor Salver Jezuz-Krist :*

**R/** : **Rak deoc'h-C'hwi, Aotrou Doue, emañ ar Rouantelezh hag ar gloar a-holl-viskoazh da virviken. Amen.**

**Lid ar peoc'h** : *Ar beleg* : *Salver Jezuz-Krist... a-holl-viskoazh da virviken.*

*Peoc'h hor Salver a vo bepred geneoc'h.*

**R/** : **Ha get ho spered !**

**Oan Doue** :

Oan Doue a lam pec'hedoù ar bed : **ho pezit truez ouzhomp ! (bis)**

**Roit deomp ar peoc'h !**

**Kent ar gomunion** :

*Ar beleg* : *Eürus ar re a zo galvet da bred santel an Oan.*

*Setu Oan Doue, an hini a lam pec'hed ar bed :*

**R/** : **Man Doue, ned on ket dign ma teet davedon, met lârit ur ger hepken hag e vo aesaet din.**

**Komunion** : **Karet ho preuder, hag e vin geneoc'h.**

1 Me eo 'r bara daet ag an neñv. (2w) 4 Ma chom ma c'homzoù bev ennoc'h, (2w)  
Neb a gred ennon 'deus ar vuhez. Goulennit get feiz, roet e vo deoc'h.

2 C'hwi holl a zo skuizh ha sammet, (2w) 5 'Vel m'en deus an Tad Ma c'haret, (2w)  
Dait ha Me 'roay doc'h nerzh ha kalon. 'Vel-se ivez am eus ho karet.

3 Dait, c'hwi a glask ar wirionez, (2w) 6 Me eo 'r vuhez, ar wirionez, (2w)  
Ma c'homzoù 'zo spered ha buhez. An Hent ho kaso betek an Tad.

**'Cit kloziñ an oferenn :**

*Ar beleg : An Aotrou Doue geneoc'h :*

**R/ : Ha get ho spered !**

*Ar beleg : Doue hollgelloudek d'ho pennigiñ :*

*An Tad, ar Mab hag ar Spered Santel.* **R/ : Amen !**

*Ar beleg : Kerzhit e peoc'h hor Salver, Alleluia:*

**R/ : Bennozh da Zoue !**

**Kan-dibenn :**

Rouanez an neañv, kemerit joe,  
Alleluia ! Alleluia !

Rak ar frouezh ag ho tigostez  
Alleluia ! Alleluia !

A zo savet bev ag ar bez,  
Alleluia ! Alleluia !

Pedit 'vidomp an Aotrou Doue,  
Alleluia ! Alleluia !

Deoc'h, Gwerc'hez, joe ha levenez,  
Alleluia ! Alleluia !

Jezuz 'zo savet ag ar bez,  
Alleluia ! Alleluia !